

**Folkehøjskolerne pillugit Inatsisartut inatsisaata allanngortinnera pillugu Inatsisartut inatsisaat nr. 19, 8. juni 2017-imeersaq**

(Meeqqat atuarfianni inaarutaasumik misilitsinnerit ingerlannissaannut pisinnaatitsissut, aningaasalersuinerit aalajangersakkat aamma ilinniagaqarnersiat pillugit malittarisassat allannguutaat)

**§ 1**

Folkehøjskolerne pillugit Inatsisartut inatsisaanni nr. 24, 18. november 2010-meersumi makku allanngortinneqassapput:

1. § 1, imm. 1, naggatit aappaat ima oqaasertalerneqassaaq:

”Folkehøjskolerne nalinginnaasumik peroriartuutaasumik ilinniartitsinerup iluani, ilinniartitsissutit ataasiakkaat imaluunniit ilinniartitsissutit ataatsimoortut, taakkununga ilanngullugit timersorneq, nerisassiorneq imaluunniit ilinniartitsissutit sullivilinnut sammisut, salliunerusumik inississinnaavaat”.

2. § 1, imm. 3, naggat siulleg ima oqaasertalerneqassaaq:

”Folkehøjskolerne ilinniartitsineq, misilitsinnissamut piareersaataasumik ilinniartitsinermik ilaqartoq, neqeroortigisinnaavaat, meeqqat atuarfianni inaarutaasumik naliliinerup ilaanik ingerlatsinissaq siunertaralugu, tamatumunnga ilanngullugit inaarutaasumik misilitsinnerit, ilinniartitsinerit ilinniakkanut ingerlaqqiffiusinnaasut allat, inuutissarsiutinik tunngaviusumik ilinniartitsinerup iluani ilinniartitsineq aamma ilinniarnertuunngorniartimmik ilinniartitsissutit ataasiakkaat ilinniartitsissutiginerat, pineqartut pillugit malittarisassat atuuttut naapertorlugit.”

3. § 1, imm. 4, naggammi siulleg ima oqaasertalerneqassaaq:

”Folkehøjskolerne ilinniartitsinermik inaarutaasumillu misilitsinnernik imm. 3-mi taaneqartumik aallartitsinertat pisassaaq, ilinniarfimmik oqartussaasunilluunniit, inniakkamik pineqartumik nalinginnaasumik neqeroortartumik, suleqatigiinnissamik isumaqatigiissuteqarneq tunngavigalugu.”

4. § 1-imi, imm. 4-p kingorna immikkoortutut nutaatut ikkunneqassaaq:

”Imm. 5. Folkehøjskolerne ilinniartitsinermik ingerlatsinerit imm. 1-3-mi taaneqartunit allaanerisut neqeroortigisinnaavaat, ingerlatsisut allat tamanna pillugu isumaqatigiissuteqarfigereernerisigut.”

Imm. 5 tamatuma kingorna tassaalissaaq imm. 6 imatullu oqaasertalerneqassaaq:

”Imm. 6. Naalakkersuisut imm. 1-5-imi aalajangersakkat pillugit erseqqinnerusumik malittarisassaliorsinnaapput.”

5. § 14 ima oqaasertalerneqassaaq:

” § 14. Ilinniartunut § 1, imm. 1-imut ilaasunut, Naalakkersuisut, aningaasanut inatsimmi

aningsaaliussatut aalajangersakkat iluanni, folkehøjskolinut ingerlatsinermut tapiissuteqartassapput, ullorsiutit malillugit ukiup ingerlanerani sapaatip-akunnerini ilinniartoqarfinni minnerpaamik 700-ni ilinniartinneqarsimappata.

*Imm. 2.* Naalakkersuisut taxameteri malillugu tapiisarput, tamatumani aallaavigissallugit folkehøjskolimi sapaatip-akunneri ilinniartoqarfiit, akigitamik ukiut tamaasa aningaasanut inatsimmi sapaatip-akunneranut ilinniartoqarfimmut ataatsimut aalajangiunneqartartumik amerlisarneri.

*Imm. 3.* Folkehøjskolip sapaatip-akunneri ilinniartoqarfiit imm. 1-imi aalajangiunneqartut amerlassuseqartut ingerlassimannikkunigit, ingerlatsinermut tapit naleqqiussinikkut utertissavai. Utertillugit akiliutissat ingerlatsinermut tapit tunniunneqarsimasut aalajangersimasumik procentiattut annertussuseqassapput, taannalu aalajangerneqassaaq sapaatip-akunneri ilinniartoqarfiit imm. 1-imi minnerpaaffissaat eqqaaneqartut naapertorlugit ingerlanneqarsimannigitsut procentinngornerat naapertorlugu.

Naalakkersuisut taxameteri malillugu tapiissutit tunniunneqartarnerat allatigullu allaffissornikkut ingerlannerat pillugit malittarisassanik aalajangersaasinnaapput.

*Imm. 4.* Ilinniartunit, folkehøjskolit ilinniartunut tapisissutisissutigisartagaannit, nammineq akiliuteqarmissaq piumasarineqarsinnaanngilaq.

*Imm. 5.* Ilinniartut tapiissutisissutigineqarsinnaasut amerlanerpaaffissaat Inatsisartut aningaasanut inatsimmi aalajangersarsinnaavaat.”

6. § 20, ima oqaasertalerneqassaaq:

” § 20. Ilinniartut § 1-imut ilaasut, tapiiffigineqarsinnaasumik minnerpaamik sapaatip-akunnerini 10-ni folkehøjskoliniittut, ilinniagaqarnersiaqarneq pillugu nalunaarummi aalajangersakkat naapertorlugit ilinniagaqarnersiaqassapput. Taamaattoq taamaallaat ilinniagaqarnersiat tassaasinnaapput ilinniarnep aallartinnerani, unitsinnerani, tamatumunnga ilanngullugu ilinniartup qanigisaani pinartumik napparsimasoqartillugu toqusoqartilluguluunniit, ilinniarnep naammassinnerani akiliunneqarluni angalanerit, kiisalu folkehøjskolernermut immikkut aalajangiussamik ilinniagaqarnersiarititit nerisaqarnermut ineqarnermullu ilanngaanneqartut.”

## § 2

Inatsisartut inatsisaat atuutilissaaq 1. januar 2018.

*Namminersorlutik Oqartussat, 8. juni 2017*



Kim Kielsen